

KEMPEN PEWARISAN ASNB 2024 ("Kempen")

Terma dan Syarat

1. Kempen ini dianjurkan oleh Amanah Saham Nasional Berhad (No. Syarikat 197901003200 (47457-V)) ("ASNB").
2. Kempen ini berlangsung pada 1 Julai 2024 hingga 31 Disember 2024 ("Tempoh Kempen"). ASNB berhak untuk mengubah, menangguhkan, menjadualkan semula atau melanjutkan Tempoh Kempen atas budi bicara mutlakny.
3. Kempen ini terbuka kepada pemegang-pemegang unit ASNB baharu dan sedia ada yang berumur lapan belas (18) tahun dan ke atas ("Peserta") dan memenuhi kelayakan melanggan perkhidmatan Hibah Amanah atau Pengisytiharan Amanah, juga dikenali sebagai Pewarisan ASNB ("Pewarisan ASNB").
4. Objektif Kempen bertujuan menggalakkan Peserta untuk melanggan perkhidmatan Pewarisan ASNB sebagai instrumen perancangan harta pusaka bagi memudahkan waris membuat tuntutan selepas ketiadaan mereka.
5. Untuk layak menyertai Kempen ini, Peserta mesti memenuhi syarat-syarat tawaran berikut:
 - (i) Peserta adalah pemegang unit ASNB yang mempunyai sekurang-kurangnya salah satu daripada tabung unit amanah ASNB;
 - (ii) Peserta perlu mengekalkan baki minimum satu ribu (1,000) unit (tidak termasuk pinjaman/unit bercagar/Skim Pelaburan Ahli KWSP) di dalam tabung unit amanah ASNB yang ingin didaftarkan di bawah perkhidmatan Pewarisan ASNB;
 - (iii) Peserta belum lagi melanggan perkhidmatan Pewarisan ASNB; dan
 - (iv) Peserta mesti menyerahkan Dokumen Lengkap permohonan perkhidmatan Pewarisan ASNB (rujuk "Tawaran dan Mekanisme Kempen" di bawah) di mana-mana cawangan ASNB semasa Tempoh Kempen.

Tawaran dan Mekanisme Kempen

1. Kempen ini menawarkan yuran pendaftaran perkhidmatan Pewarisan ASNB seperti berikut:

Penerangan	Yuran Pendaftaran Pewarisan ASNB
Melabur Ringgit Malaysia Dua Puluh Ribu (RM20,000.00) dan ke atas <u>dalam satu transaksi</u> dalam mana-mana tabung unit amanah ASNB Harga Tetap atau Harga Berubah	Percuma

2. Bagi kelayakan yuran pendaftaran percuma, ianya tidak boleh dipindah milik kepada pemegang unit lain dan tidak boleh ditukar dengan wang tunai.

3. Peserta boleh membuat pra-daftar untuk permohonan perkhidmatan Pewarisan ASNB melalui dalam talian terlebih dahulu sebelum penyerahan Dokumen Lengkap perkhidmatan Pewarisan ASNB kepada mana-mana cawangan ASNB atau permohonan terus di mana-mana cawangan ASNB dan pemprosesan permohonan perlu dilakukan dan diselesaikan dalam Tempoh Kempen.

Proses	Pra-daftar dalam talian	Permohonan terus di Cawangan ASNB
Langkah 1	<ul style="list-style-type: none"> ▪ Lengkapkan pra-daftar dalam talian di portal myASNB (www.myasnb.com.my) 	<ul style="list-style-type: none"> ▪ Hadir ke cawangan ASNB berdekatan.
Langkah 2	<ul style="list-style-type: none"> ▪ Cetak dan lengkapkan dokumen berikut (“Dokumen Lengkap”): <ul style="list-style-type: none"> (i) Surat Kuasa Wakil (ii) Dokumen salinan pengenalan diri pemberi, penerima/penjaga dan saksi yang telah disahkan benar daripada salinan asal (iii) Borang Lafaz Pemberian dan Penerimaan Harta Hibah PH1A(A)* (Akad) yang telah ditandatangani oleh pemberi Hibah, penerima/penjaga dan saksi-saksi (untuk permohonan Hibah Amanah sahaja) 	<ul style="list-style-type: none"> ▪ Lengkapkan dokumen berikut (“Dokumen Lengkap”): <ul style="list-style-type: none"> (i) Borang Permohonan PH1A/PH1B* (ii) Surat Kuasa Wakil (iii) Dokumen salinan pengenalan diri pemberi, penerima/penjaga dan saksi yang telah disahkan benar dari salinan asal (iv) Borang Lafaz Pemberian dan Penerimaan Harta Hibah PH1A(A)* (Akad) yang telah ditandatangani oleh pemberi Hibah, penerima/penjaga dan saksi-saksi (untuk permohonan Hibah Amanah sahaja)
Langkah 3	<ul style="list-style-type: none"> ▪ Serahkan Dokumen Lengkap seperti yang dinyatakan di Langkah 2 dan lengkapkan pendaftaran di cawangan ASNB dalam tempoh sembilan puluh (90) hari dari tarikh penghantaran pra-daftar dalam talian. Sekiranya penyerahan ke cawangan ASNB dilakukan selepas sembilan puluh (90) hari, Peserta perlu melakukan semula pra-daftar dalam talian. 	<ul style="list-style-type: none"> ▪ Serahkan Dokumen Lengkap seperti yang dinyatakan di Langkah 2 untuk melengkapkan proses permohonan.

Nota: 1. Peserta dinasihatkan membuat janji temu untuk berurusan di cawangan ASNB melalui laman web ASNB di www.asnb.com.my.

2. Penyerahan Dokumen Lengkap mesti dilakukan semasa Tempoh Kempen untuk layak menerima tawaran Kempen.

*3. *Borang PH1A/PH1B terkini (V.01/2021) dan Surat Kuasa Wakil boleh dimuat turun dari laman web ASNB di www.asnb.com.my.*

4. Bagi Peserta yang ingin mendapatkan yuran percuma pendaftaran perkhidmatan Pewarisan ASNB, syarat-syarat berikut perlu dipenuhi:-

- (i) Pelaburan mesti dibuat dalam mana-mana akaun tabung unit amanah ASNB (Harga Tetap atau Berubah) Peserta sendiri dengan pelaburan minimum sebanyak Ringgit Malaysia Dua Puluh Ribu (RM20,000.00) dalam satu transaksi;
- (ii) Pelaburan adalah dalam bentuk tunai, pindahan dari akaun bank atau cek (tidak termasuk penukaran dan pemindahan tabung unit amanah).
- (iii) Pelaburan dibuat melalui platform pelaburan (“Platform”) berikut:
 - a) Kaunter cawangan ASNB atau ejen-ejen ASNB *
 - b) Portal myASNB (www.myasnb.com.my) atau aplikasi mudah alih *
 - c) Perbankan Internet / Aplikasi Perbankan Mudah Alih ejen-ejen ASNB
 - d) Mesin Automated Teller Machine (“ATM”)/Self Service Terminal (“SST”) ejen-ejen ASNB
 - e) Skim Potongan Gaji (“SPG”) (Kerajaan dan syarikat swasta)

- f) Arahan Tetap melalui Maybank atau Bank Simpanan Nasional
- g) Mesin kiosk di cawangan ASNB yang terlibat

*Nota : * termasuk Pakej "ASNB Financial Planning Solution (FPSP) " di mana berkenaan.*

- (iv) Pelaburan yang dibuat oleh Peserta mestilah berjaya dikreditkan ke dalam akaun tabung unit amanah ASNB Peserta ketika penyerahan Dokumen yang Lengkap dihantar di mana-mana cawangan ASNB.
- (v) Jika terdapat jualan balik dilakukan oleh Peserta daripada mana-mana tabung unit amanah ASNB sebelum dan pada masa penyerahan Dokumen Lengkap permohonan perkhidmatan Pewarisan ASNB di cawangan ASNB, Peserta tidak layak untuk mendapat tawaran Kempen.

Contoh

Berikut adalah contoh beberapa senario untuk menggambarkan bagaimana untuk memenuhi syarat mendapat tawaran Kempen. Senario di bawah hendaklah dirujuk kepada perkara-perkara di bawah Kelayakan.

Senario 1:

Peserta hadir ke cawangan ASNB semasa Tempoh Kempen dan menyerahkan dokumen lengkap untuk pendaftaran perkhidmatan Pewarisan ASNB. Peserta tidak layak menerima tawaran Kempen kerana Peserta tidak membuat sebarang pelaburan dalam mana-mana tabung unit amanah ASNB Harga Tetap atau Harga Berubah. Pendaftaran perkhidmatan Pewarisan ASNB adalah tertakluk kepada kadar biasa yuran pendaftaran sebanyak Ringgit Malaysia Satu Ratus Lapan Puluh (RM180.00).

Senario 2:

Peserta melengkapkan pra-daftar dalam talian untuk Pewarisan ASNB pada 1 Julai 2024. Pada 21 August 2024, Peserta menyerahkan Dokumen Lengkap di cawangan ASNB. Walaupun Peserta menyerahkan Dokumen Lengkap dalam tempoh sembilan puluh (90) hari setelah penghantaran pra-daftar dalam talian, Peserta tidak layak menerima tawaran Kempen kerana Peserta tidak membuat sebarang pelaburan dalam mana-mana tabung unit amanah ASNB Harga Tetap atau Harga Berubah. Pendaftaran perkhidmatan Pewarisan ASNB adalah tertakluk kepada kadar biasa yuran pendaftaran sebanyak Ringgit Malaysia Satu Ratus Lapan Puluh (RM180.00).

Senario 3:

Peserta melengkapkan pra-daftar dalam talian pada 3 Julai 2024. Peserta membuat pelaburan dengan jumlah minimum dalam tabung unit amanah Harga Tetap/Harga Berubah dalam satu transaksi pada 23 Julai 2024, untuk mendapat kelayakan tawaran yuran pendaftaran percuma. Pada 30 Oktober 2024, Peserta menyerahkan Dokumen Lengkap permohonan Pewarisan ASNB di cawangan ASNB. Peserta tidak layak menerima tawaran Kempen yuran pendaftaran percuma kerana penyerahan Dokumen Lengkap dilakukan selepas tempoh sembilan puluh (90) hari setelah penghantaran pra-daftar dalam talian.

Peserta boleh melakukan salah satu daripada pilihan berikut untuk layak tawaran Kempen:

- (i) *Lakukan semula pra-daftar dalam talian dan serahkan dokumen yang lengkap di cawangan ASNB dalam tempoh sembilan puluh (90) hari setelah penghantaran pra-daftar dalam talian dan mestilah semasa Tempoh Kempen; atau*
- (ii) *Daftar Pewarisan ASNB secara terus di cawangan ASNB semasa Tempoh Kempen*

Senario 4:

Peserta melengkapkan pra-daftar dalam talian untuk Pewarisan ASNB pada 23 Ogos 2024 dan melabur dengan jumlah minimum dalam tabung unit amanah Harga Tetap/Harga Berubah dalam satu transaksi untuk mendapat kelayakan tawaran yuran pendaftaran percuma. Pada 25 September 2024, Peserta menyerahkan Dokumen Lengkap permohonan Pewarisan ASNB di cawangan ASNB. Peserta layak menerima tawaran Kempen yuran pendaftaran percuma kerana serahan Dokumen Lengkap dilakukan dalam tempoh sembilan puluh (90) hari setelah penghantaran pra-daftar dalam talian

Senario 5:

Peserta melabur dengan jumlah minimum dalam tabung unit amanah Harga Tetap/Harga Berubah dalam satu transaksi pada Julai 2024 untuk mendapat kelayakan tawaran yuran pendaftaran percuma. Pada Ogos 2024, Peserta hadir ke cawangan ASNB dan menyerahkan Dokumen Lengkap permohonan Pewarisan ASNB. Peserta layak menerima tawaran Kempen yuran pendaftaran percuma.

Senario 6:

Peserta melabur dengan jumlah minimum dalam tabung unit amanah Harga Tetap/Harga Berubah dalam satu transaksi pada 3 Julai 2024 untuk mendapat kelayakan tawaran yuran pendaftaran percuma. Pada Ogos 2024, Peserta telah melakukan jualan balik daripada salah satu akaun tabung unit amanahnya. Pada September 2024, Peserta hadir ke cawangan ASNB dan menyerahkan Dokumen Lengkap permohonan Pewarisan ASNB. Peserta tidak layak menerima tawaran Kempen yuran pendaftaran percuma kerana Peserta ada melakukan jualan balik sebelum serahan permohonan Pewarisan ASNB dilakukan di cawangan ASNB. Peserta perlu membayar yuran pendaftaran pada kadar biasa sebanyak Ringgit Malaysia Seratus Lapan Puluh (RM180.00) jika ~~dia~~ ingin mendaftar untuk perkhidmatan Pewarisan ASNB.

Senario 7:

Peserta melabur dengan jumlah minimum dalam tabung unit amanah Harga Tetap/Harga Berubah dalam satu transaksi pada 3 Julai 2024 untuk mendapat kelayakan tawaran yuran pendaftaran percuma. Pada 8 Julai 2024, Peserta hadir ke cawangan ASNB dan menyerahkan dokumen lengkap permohonan Pewarisan ASNB. Pada 24 Julai 2024, Peserta telah melakukan jualan balik dari salah satu tabung unit amanahnya. Peserta layak menerima tawaran Kempen yuran pendaftaran percuma kerana serahan permohonan Pewarisan ASNB dilakukan semasa Tempoh Kempen dan jualan balik dilakukan selepas serahan permohonan Pewarisan ASNB dilakukan di cawangan ASNB.

Senario 8:

Pada 18 Oktober 2024, Peserta melabur sebanyak Ringgit Malaysia Tiga Puluh Ribu (RM30,000.00) dalam tabung unit amanah Harga Berubah dalam dua (2) transaksi iaitu Ringgit Malaysia Sepuluh Ribu (RM10,000.00) dan Ringgit Malaysia Dua Puluh Ribu (RM20,000.00). Peserta hadir ke cawangan ASNB pada bulan November 2024 dan menyerahkan Dokumen Lengkap untuk Pewarisan ASNB. Peserta layak mendapat tawaran Kempen yuran pendaftaran Pewarisan ASNB percuma kerana jumlah pelaburan transaksi kedua Peserta ialah Ringgit Malaysia Dua Puluh Ribu (RM20,000.00) dan memenuhi syarat pelaburan minimum.

Senario 9:

Pada 24 Julai 2024, Peserta melabur sebanyak Ringgit Malaysia Dua Puluh Ribu (RM20,000.00) dalam tabung unit amanah Harga Berubah dalam dua (2) transaksi iaitu Ringgit Malaysia Lima Ribu (RM5,000.00) dan Ringgit Malaysia Lima Belas Ribu (RM15,000.00). Peserta hadir ke cawangan ASNB pada bulan Ogos 2024 dan menyerahkan Dokumen Lengkap untuk Pewarisan ASNB. Peserta tidak layak

mendapat tawaran Kempen yuran pendaftaran Pewarisan ASNB percuma kerana jumlah pelaburan dalam satu transaksi adalah kurang dari syarat pelaburan minima. Peserta perlu membayar yuran pendaftaran pada kadar biasa sebanyak Ringgit Malaysia Seratus Lapan Puluh (RM180.00) jika dia ingin mendaftar untuk perkhidmatan Pewarisan ASNB.

Senario 10:

Peserta membuat pelaburan melalui cek dalam tabung unit amanah Harga Tetap/Harga Berubah dengan jumlah minimum untuk mendapat kelayakan yuran pendaftaran percuma semasa Tempoh Kempen. Peserta menyerahkan Dokumen Lengkap permohonan Pewarisan ASNB di cawangan ASNB. Sekiranya jumlah pelaburan belum diperuntukkan ke dalam akaun tabung unit amanah ASNB Peserta pada masa permohonan dibuat di cawangan ASNB, Peserta tidak layak menerima tawaran Kempen percuma yuran pendaftaran. Peserta perlu membayar yuran pendaftaran pada kadar biasa sebanyak Ringgit Malaysia Seratus Lapan Puluh (RM180.00) jika dia ingin mendaftar untuk perkhidmatan Pewarisan ASNB.*

Sekiranya jumlah pelaburan telah diperuntukkan ke dalam akaun ASNB Peserta pada masa permohonan Pewarisan ASNB dibuat di cawangan ASNB, Peserta layak menerima tawaran Kempen yuran pendaftaran percuma.

*[Catatan: *Pelaburan melalui cek hanya boleh dilakukan di cawangan ASNB sahaja dan mengambil tempoh sehingga enam (6) hari untuk dikreditkan ke dalam akaun ASNB pemegang unit. Pelaburan melalui cek dianggap berjaya setelah jumlah pelaburan dikreditkan ke dalam akaun Peserta].*

Lain-lain Terma dan Syarat

1. Dengan menyertai Kempen ini, Peserta telah bersetuju dengan Terma dan Syarat Kempen ini. Keputusan ASNB, sebagai penganjur, adalah muktamad dan sebarang rayuan dan/atau pertikaian tidak akan dilayan.
2. ASNB tidak akan bertanggungjawab ke atas sebarang kerosakan atau kerugian, samada secara langsung atau tidak langsung, yang berlaku berkaitan dengan Kempen ini. ASNB juga tidak boleh dipertanggungjawabkan jika berlaku sebarang kejadian bencana semula jadi, peperangan, rusuhan, mogok, sekatan, tindakan perindustrian, kebakaran, banjir, kemarau, ribut, pandemik, kegagalan teknikal atau sistem atau sebarang kejadian yang di luar kawalan ASNB.
3. ASNB berhak untuk meminda, memendekkan, membatalkan, menggantung atau menamatkan Kempen ini secara keseluruhan atau sebahagian atau untuk mengubah, memadam atau menambah mana-mana Terma dan Syarat Kempen ini pada bila-bila masa dengan memberi notis bertulis melalui www.asnb.com.my atau saluran media sosial ASNB.
4. ASNB berhak untuk menarik semula/membatalkan penyertaan mana-mana Peserta yang tidak mematuhi Terma dan Syarat seperti yang dinyatakan dan/atau didapati atau disyaki telah mengganggu proses Kempen atau perjalanan Kempen ini. Gangguan yang dimaksudkan merangkumi kegiatan penipuan yang melibatkan sebarang tipu daya, penipuan dan/atau pemalsuan berkaitan dengan Kempen.
5. ASNB tidak akan bertanggungjawab atau dipertanggungjawabkan atas sebarang kerugian yang

ditanggung oleh Peserta yang berpunca secara langsung atau tidak langsung daripada penglibatan Peserta dalam Kempen ini.

6. Terma dan Syarat Kempen ini akan mengatasi mana-mana peruntukan atau kenyataan berkaitan Kempen ini yang terkandung dalam mana-mana bahan-bahan promosi sama ada bercetak atau elektronik.
7. Terma dan Syarat Kempen ini tertakluk pada undang-undang Malaysia dan Peserta bersetuju tertakluk kepada bidang kuasa Mahkamah-Mahkamah Malaysia.
8. Sekiranya terdapat sebarang percanggahan atau konflik di antara versi Bahasa Inggeris dan Bahasa Melayu bagi Terma dan Syarat Kempen ini, versi Bahasa Inggeris akan terpakai.
9. Pengiklanan Kempen dengan Terma dan Syarat ini tidak disemak oleh Suruhanjaya Sekuriti Malaysia.